

**MESYUARAT KETIGA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
06 MAC 2023**

PERKARA : 4(A)(XI)1

**SOALAN BERTULIS OLEH AHLI KAWASAN PERMATANG PASIR
YB. MUHAMMAD FAIZ BIN FADZIL**

1. Sejauh manakah fungsi IADA dalam membantu infrastruktur sawah-sawah di Permatang Pasir?
 - (a) Adakah Kerajaan Negeri bercadang meminta IADA menaik taraf longkang-longkang sedia ada yang lama setelah longkang tersebut tertutup akibat pembinaan rumah?

**YB. DR. NORLELA BINTI ARIFFIN
MENJAWAB BAGI PIHAK Y.A.B. KETUA MENTERI**

1. Kawasan Pembangunan Pertanian Bersepadu Pulau Pinang (IADA) berperanan menaik taraf infrastruktur pengairan dan saliran di DUN Permatang Pasir yang akan dilaksanakan pada tahun ini, namun ia adalah bergantung kepada kelulusan Kementerian Pertanian Dan Keterjaminan Makanan (MAFS) bagi kerja-kerja seperti berikut:
 - (i) Kerja-kerja penyelenggaraan infrastruktur pengairan dan saliran di K3 dan K4, antaranya menaik taraf tali air 2-4R daripada tali air '*trapezoidal*' ke '*U-Section*', pembaikan jalan ladang serta menyelenggara infrastruktur lain yang telah uzur di sepanjang tali air tersebut;
 - (ii) Parit kilik-parit antara batas dan parit dalam petak;
 - (iii) Perataan tanah sawah; dan
 - (iv) Menambun di kawasan tanah jerlus.

**MESYUARAT KETIGA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
06 MAC 2023**

PERKARA : 4(A)(XI)2

**SOALAN BERTULIS OLEH AHLI KAWASAN PERMATANG PASIR
YB. MUHAMMAD FAIZ BIN FADZIL**

2. Apakah langkah-langkah Kerajaan Negeri mengatasi masalah kesesakan jalan raya di Pekan Permatang Pauh, Kubang Semang, Jalan Tok Kandu dan Jalan Berapit?

**YB. ZAIRIL KHIR JOHARI
MENJAWAB BAGI PIHAK Y.A.B. KETUA MENTERI**

2. Langkah-langkah yang sedang dan akan dilaksanakan oleh Kerajaan Negeri dalam mengatasi masalah kesesakan jalan raya di Pekan Permatang Pauh, Kubang Semang, Jalan Tok Kandu dan Jalan Berapit adalah seperti berikut:
- (a) Mensyaratkan kepada pemaju untuk menjalankan kajian impak lalu lintas dan melaksanakan penambahbaikan lalu lintas;
 - (b) Menyediakan perkhidmatan bas henti-henti di sepanjang Jalan Permatang Pauh bagi laluan Penang Sentral ke Bukit Mertajam dan Penang Sentral ke Machang Bubok;
 - (c) Cadangan menaik taraf Jalan Permatang Pauh dari Bulatan Bukit Tengah ke Pekan Permatang Pauh. Cadangan ini melibatkan anggaran kos sebanyak RM286.0 juta dan kini masih dalam proses kelulusan di peringkat Unit Perancang Ekonomi (EPU), Jabatan Perdana Menteri (JPM);
 - (d) Cadangan pembinaan jalan sambungan berdasarkan draf Rancangan Tempatan Seberang Perai 2030 yang akan dilaksanakan oleh Majlis Bandaraya Seberang Perai (MBSP) seperti berikut:

- (i) Jalan menghubungkan Permatang Pasir, Permatang Pauh dan Perda;
- (ii) Jalan 100 kaki menghubungkan Jalan Permatang Pauh dengan Seberang Jaya melalui Taman Naluri Indah dan Taman Sutera Prima; dan
- (iii) Jalan 100 kaki yang menghubungkan Jalan Perda Utama dengan Jalan Permatang Nibong/susur keluar Kubang Semang dari Lebuhraya Butterworth Kulim.

**MESYUARAT KETIGA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
06 MAC 2023**

PERKARA : 4(A)(XI)3

**SOALAN BERTULIS OLEH AHLI KAWASAN PERMATANG PASIR
YB. MUHAMMAD FAIZ BIN FADZIL**

3. Adakah Kerajaan Negeri bercadang untuk meminda undang-undang lesen penjaja bagi memudahkan pindah milik lesen kepada waris yang menyambung perniagaan pemegang lesen yang telah meninggal?

**YB. JAGDEEP SINGH DEO A/L KARPAL SINGH
MENJAWAB BAGI PIHAK Y.A.B. KETUA MENTERI**

3. Kerajaan Negeri sememangnya prihatin terhadap nasib peniaga dan penjaja di Negeri Pulau Pinang. Untuk itu, Kerajaan Negeri sedang menyediakan satu Pelan Induk Peniaga Negeri Pulau Pinang bagi menambahbaik kualiti penjaja dan memperkukuhkan ekonomi penjaja serta membantu penjaja bersaing secara kompetitif.

Sehubungan itu, cadangan pindah milik lesen tersebut boleh dipertimbangkan sebagai salah satu inisiatif strategi untuk membantu peniaga dan penjaja warisan di Negeri Pulau Pinang.

**MESYUARAT KETIGA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
06 MAC 2023**

PERKARA : 4(A)(XI)4

**SOALAN BERTULIS OLEH AHLI KAWASAN PERMATANG PASIR
YB. MUHAMMAD FAIZ BIN FADZIL**

4. Apakah langkah-langkah Kerajaan Negeri untuk memudahkan penjaja mendapatkan lesen penjaja?

**YB. JAGDEEP SINGH DEO A/L KARPAL SINGH
MENJAWAB BAGI PIHAK Y.A.B. KETUA MENTERI**

4. Kerajaan Negeri melalui kedua-dua Pihak Berkuasa Tempatan (PBT) iaitu Majlis Bandaraya Pulau Pinang (MBPP) dan Majlis Bandaraya Seberang Perai (MBSP) membantu memudahkan penjaja mendapatkan lesen melalui inisiatif seperti berikut:
- (i) memudahkan proses pengeluaran lesen / permit kepada penjaja / peniaga kecil;
 - (ii) mewujudkan Garis Panduan yang boleh diakses melalui laman web PBT bagi dijadikan panduan kepada penjaja dan peniaga kecil dalam menjalankan perniagaan;
 - (iii) memberikan keutamaan kepada peniaga-peniaga di tepi jalan ini untuk mengisi kekosongan ruang niaga milik PBT melalui sesi temuduga ruang niaga yang diadakan setiap bulan;
 - (iv) memberi taklimat dan sesi konsultasi kepada penjaja-penjaja ditapak;
 - (v) mengadakan Program Mesra Pelanggan yang dikenali "Santai Peniaga" bagi membantu peniaga-peniaga untuk menukarkan konsep / bentuk perniagaan kepada trak makanan dengan menyelaras perjumpaan peniaga-peniaga bersama agensi kewangan berkaitan dan penyedia trak makanan;

- (vi) mensyaratkan kepada mana-mana pemajuan baharu di Pulau Pinang berkenaan keperluan menyediakan ruang niaga di lokasi yang strategik berdasarkan keperluan di sesuatu lokaliti;
- (vii) mewujudkan lokasi penempatan semula penjaja tepi jalan bagi lokasi-lokasi yang bersesuaian dan tidak menimbulkan halangan dan kacau ganggu kepada orang awam; dan
- (viii) memberi khidmat nasihat semasa penyerahan notis terhadap penjaja tanpa lesen.

**MESYUARAT KETIGA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
06 MAC 2023**

PERKARA : 4(A)(XI)5

**SOALAN BERTULIS OLEH AHLI KAWASAN PERMATANG PASIR
YB. MUHAMMAD FAIZ BIN FADZIL**

5. Adakah Kerajaan Negeri bercadang untuk adakan program kahwin secara percuma seperti Program "Till Jannah"?

**YB. DATO' IR. HAJI AHMAD ZAKIYUDDIN BIN ABD. RAHMAN
MENJAWAB BAGI PIHAK Y.A.B. KETUA MENTERI**

5. Kerajaan Negeri melalui Bahagian Undang-undang Keluarga Islam, Jabatan Hal Ehwal Agama Islam Pulau Pinang telah menyenaraikan program perkahwinan beramai-ramai ke dalam senarai perancangan program yang bakal dilaksanakan pada tahun 2023.

Program yang dicadangkan ini menyasarkan bakal pengantin yang terpilih dari kalangan Saudara Baru, golongan kurang berkemampuan dan juga asnaf (B40).

Walau bagaimanapun pelaksanaan program ini adalah tertakluk kepada peruntukan kewangan yang diluluskan.

**MESYUARAT KETIGA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
06 MAC 2023**

PERKARA : 4(A)(XI)6

**SOALAN BERTULIS OLEH AHLI KAWASAN PERMATANG PASIR
YB. MUHAMMAD FAIZ BIN FADZIL**

6. Adakah Kerajaan Negeri bercadang menubuhkan Pusat Hentian (one stop centre) sebagai pusat pengumpulan dan penjualan produk pertanian di setiap DUN dalam negeri Pulau Pinang bagi mengurangkan harga barang?

**YB. DR. NORLELA BINTI ARIFFIN
MENJAWAB BAGI PIHAK Y.A.B. KETUA MENTERI**

6. Pusat Hentian atau *One Stop Centre* telah wujud dan dikendalikan oleh FAMA sebagai salah satu agensi yang dipertanggungjawabkan untuk memasarkan produk-produk pertanian. Namun begitu, Kerajaan Negeri melalui Jabatan Pertanian Negeri Pulau Pinang (DOAPP) turut membangunkan dan membina pusat pengumpulan bagi kawasan-kawasan utama pengeluaran durian, buah-buahan dan sayur-sayuran di seluruh negeri.

Selain itu, FAMA dengan kerjasama Exco Pertanian dan Keselamatan Makanan dalam perancangan untuk mengadakan program baru iaitu Penang Marketplace bersama MPKK dan Food Agro City Walk untuk penjaja. Tambahan pula, program Jelajah Agro Tourism & Agro Youth telah berlangsung pada 25-26 Februari 2023 yang menghimpunkan para peniaga di perkarangan Padang Kota Lama, Pulau Pinang.

Disamping itu, YB EXCO telah mengadakan pertandingan masterplan untuk Pembangunan Semula Stesen Pertanian Relau yang telah dimenangi oleh Sedusun Tech Valley. Masterplan ini akan dijadikan sebuah realiti pusat agro-pelancongan yang akan mengumpulkan produk pertanian. Kerajaan Persekutuan telah meluluskan permohonan *Rolling Plan* RP3 dibawah Rancangan Malaysia Ke-12 (RMKe-12) untuk tahun 2023-2024 bagi projek Pembangunan "Sedusun Tech Valley" Pembangunan Semula Pusat Agropelancongan Relau sebagai "Lembah Silikon Pertanian".

**MESYUARAT KETIGA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
06 MAC 2023**

PERKARA : 4(A)(XI)7

**SOALAN BERTULIS OLEH AHLI KAWASAN PERMATANG PASIR
YB. MUHAMMAD FAIZ BIN FADZIL**

7. Apakah langkah Kerajaan Negeri dalam membendung kes vandalisme?

JAWAPAN OLEH Y.A.B. KETUA MENTERI

7. Dalam usaha membendung kes vandalisme, pihak Polis Diraja Malaysia (PDRM) Negeri Pulau Pinang telah melaksanakan beberapa inisiatif seperti berikut:
- (a) Pemasangan CCTV di lokasi-lokasi strategik bagi tujuan pencegahan dan membantu siasatan;
 - (b) Kempen kesedaran dari peringkat awal (peringkat sekolah) kepada golongan remaja. Manakala kempen melalui media massa, media cetak dan sebagainya memainkan peranan penting dalam mengatasi masalah vandalisme;
 - (c) Tindakan siasatan yang telus mengikut lunas undang-undang di bawah Seksyen 427 Kanun Keseksaan bagi gejala vandalisme ini akan dilaksanakan;
 - (d) Tindakan pencegahan terhadap kumpulan-kumpulan remaja yang melepak di setiap kawasan akan dipertingkatkan dengan membuat pemeriksaan yang lebih kerap; dan
 - (e) Kerjasama dengan pihak lain seperti Pihak Berkuasa Tempatan (PBT), guru sekolah, ibu bapa dan masyarakat adalah penting dalam usaha untuk membendung gejala vandalisme ini.